



Baca, fahami dan jawab soalan.



Membaca

Anugerah Murid Contoh

Elis bersama dengan keluarga ke rumah pak ciknya di Kuala Lumpur. Dia ternampak keratan buletin sekolah di bilik sepupunya.

BULETIN Keramat

Sekolah Kebangsaan Datok Keramat (1) Kuala Lumpur



Nur Qasrina Balqis binti Mohd. Nor Azlan telah dipilih sebagai Murid Contoh Tahap 1 Sekolah Kebangsaan Datok Keramat (1), Kuala Lumpur. Nur Qasrina Balqis, murid Tahun 2 Bestari, bukan sahaja cemerlang dalam pelajaran, malah mempunyai peribadi yang baik.

Guru menjadikan Nur Qasrina Balqis sebagai pembimbing kepada rakan-rakan di dalam bilik darjah. Nur Qasrina Balqis sering kali menghabiskan waktu rehat dengan membantu rakan-rakannya yang lemah dalam mata pelajaran Bahasa Melayu, Matematik dan Sains.

Nur Qasrina Balqis juga ringan tulang membantu guru-guru di sekolah. Dia tidak keberatan membantuguru-gurumelakukan kerja-kerja yang mudah. Dia akan membantu mereka membawa buku-buku latihan ke bilik guru.

Sikap Nur Qasrina Balqis yang suka membantu ini wajar dijadikan contoh oleh semua murid di Sekolah Kebangsaan Datok Keramat (1).

Elis berasa kagum akan sepupunya. Dia berazam hendak menjadi murid contoh seperti sepupunya.

1 Elis dan keluarga ke rumah pak ciknya yang terletak di mana?

2 Siapakah nama Murid Contoh Tahap 1 Sekolah Kebangsaan Datok Keramat (1) , Kuala Lumpur?

3 Apakah yang sering dilakukan oleh Nur Qasrina Balqis pada waktu rehat?

4 Bantuan apakah yang diberikan oleh Nur Qasrina Balqis kepada guru-gurunya di sekolah?

Dia akan membantu guru-guru membawa buku-buku latihan ke bilik guru.

Dia sering kali menghabiskan waktu rehat dengan membantu rakan-rakannya yang lemah dalam mata pelajaran Bahasa Melayu, Matematik dan Sains.

Elis dengan keluarga ke rumah pak ciknya di Kuala Lumpur.

Nur Qasrina Balqis binti Mohd. Nor Azlan.